



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 30. Capitulum Ultrajectensis & Harlemensis oppositio contra S.
Congregationis decretum.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII. ciscus: Hæc electio Andegavenfi Duci
 A. C. 1703. adeo grata erat, ut propterea ad Pa-
 pam gratulatorias perscriberet literas.

§. XXX.

*Capitulorum Ultrajectensis & Harle-
 mensis oppositio contra S. Con-
 gregationis Decretum.*

*Acta Histo-
 rico Eccl.
 vol. 7. p. 98.
 Abregé de
 l'Hist. Eccl.
 t. 13. p. 586.
 Abregé
 Chronol. t. 3.
 pag. 514.*

Jam supra meminimus, quod Ultra-
 jectenses Canonici, qui se Cathed-
 ralem hanc Ecclesiam Vacante Sede
 repræsentare dicebant, Coddeum Se-
 bastenum Archiepiscopum ad Provin-
 ciam Episcopi Ultrajectensis obeundam
 delegarint: cum autem ea res in sum-
 mi Pontificis, qui Coddeo exauctorato
 Cockium subrogaverat, contemptum
 redundare videretur, hinc Sacra Con-
 gregatio propagandæ fidei negotiis
 præposita die tertia Februarii decre-
 tum edidit, quo administrandi Sacra-
 menta potestatem a prætensis Capitulis
 Ultrajectensi & Harlemensi concessam
 omnino irritam nullamque esse decla-
 ravit, eisque sub anathematis ipso
 facto incurrendi pœna inhibuit, ne ul-
 lam jurisdictionem exercerent; Ultra-
 jectinum enim Capitulum jam ante cen-
 tum annos interciderat, omnesque
 prætensi Canonici Ecclesiasticis censuris
 fuerant irretiti: Nihilominus utrius-
 que

que Ecclesiæ Pseudo - Canonici suis Sæc. XVII.
 juribus enormiter derogatum rati, A.C. 1703.
medium appellationis ad Pontificem melius
edocendum arripuere, ac Mense Martio
 datis ad eundem literis rogabant, ut
 eos indicta causa damnare nollet: Ve-
 rum Pontifex, cum centenaria horum
 pertinacia contra Pontificias Constitu-
 tiones nimis luculenta esset, ad foede-
 rati Belgii Catholicos literas dedit, in
 quibus prætenso hosce Canonicos omni
 jurisdictione destitutos declaravit, eis-
 que sub excommunicationis pœna in-
 hibuit, ne sese sacris harum Ecclesia-
 rum ministeriis ingererent: Enimvero
 Canonici Papam quamplurimis libellis
 supplicibus, & Cardinales scriptis juris
 sui vindiciis diu frequenterque fatiga-
 bant, quibus tamen semper responsum,
 ut prius Sedis Apostolicæ mandatis
 obtemperarent. Tandem vero anno
 hujus sæculi quinto Bussiux Bruxellensis
 Pontificius Nuntius in Hollandiam pro-
 fectus, Cardinalis Paluccii literas detu-
 lit, quibus declaratum, quod Coddeus ob
 rationes partim universo orbi notas,
 partim, ut ejus famæ parceretur, si-
 lentio suppressas, suo officio amotus
 esset: paulopost Hagam Comitum de-
 latus cum pluribus utriusque Ecclesiæ
 Canonicis egit, ac Trevirensis Archi-
 episcopi Legato plurimum conferente

Sæc. XVII. eo rem deduxit, ut annuente Cod-
A.C. 1703. deo Gerardus Potcampus Vir gravi
 senio venerandus, pacisque studiosissi-
 mus in Vicarium Apostolicum eligeretur,
 quo tamen post bimestre defuncto
 Bussius Coloniensis Ecclesiæ Canoni-
 cum nomine Dameum subrogare nite-
 batur, obstiterant tamen utriusque Ec-
 clesiæ Canonici, qui alios elegere Vi-
 carios, ut vocant, Generales, datis
 quoque ad Paluccium Cardinalem lite-
 ris, in quibus audiri, ac in sua patria
 a Judicibus legitimis judicari postulan-
 tes declarabant, quod quamvis jus
 suum omnino certum, ac minime du-
 bium crederent, si tamen hi Judices
 illud minus firmum esse censuerint,
 sine hæsitatione ab illius defensione de-
 sistere parati essent. Sequenti tamen
 anno Pontifex hujus Ecclesiæ regimen
 Julio Piazzæ Coloniensi Nuntio com-
 misit, vehementer reclamantibus Cano-
 nicis, quorum contumacia interminato
 anathemate nonnihil repressa est. Fer-
 vente autem hoc tumultu Jesuitæ Bre-
 stensem Parochiam armata ferme manu
 sibi vendicarunt.

§. XXXI.

*Abissini unacum Rege suo Ecclesiæ
 Romanæ reconciliati.*

Flo-